



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessio Fidei Exhibita Invictiss. Imp. Carolo V. Caesari
Avg. in Comicijs Augustæ. Anno M. D. XXX.**

Melanchthon, Philipp

Augsburg, 1535

VD16 C 4710

Erratum.

urn:nbn:de:hbz:466:1-34184

libet nobis hic quidquam pro magnitudine rerum exaggerare, ne quis delectari nos ista commemoratione putet, quam extorsere nobis inuitis scriptores confutationis. Nam hæc causa non ex hominum moribus, aut ex fortuna, sed ex uerbo Dei iudicari debet, quod utinam adhiberent in consilium omnes, qui de his controuersijs pronunciant. Iterum autem hic dicendum est, quod sæpe iam diximus. Nos maxime cupidi sumus publicæ cõcordiæ, pacisq; quam certe Christianos maxime inter se colere decet. De inde inuiti dissentimus ab optimo Imperatore, quem non solum propter Imperij fastigium, sed etiam propter uirtutes uere heroicæ, quibus cognouimus eum præditum esse ueneramur, sed aduersarij non paciuntur coire cõcordiam nisi hac lege, ut nos assentiamur condemnantibus manifestam ueritatem Euangelij, & Ecclesiæ necessariam. Id facere nõ possumus. Oportet enim deo magis obedire, quã hominibus. Quare aduersarij rationẽ Schismatis reddaturi sunt Deo, qui Ecclesias noua & inusitata seuitia dissipant. Neq; dubium est, quin hæc seuitia mutationẽ aliquam rebus publicis allatura sit. Hæc pro tempore respondimus ad cõfutationem, ac iudicium pijs omnibus permittimus, utra pars recte sentiat. Et offerimus nos, nostram sententiã de singulis locis, Siquid alicubi desiderabitur, copiosius declaraturos esse.

Erratum.

E. 4. fa. 2. pro orationes lege ordinationes.

Excudebatur Augustæ Anno,
M. D. XXXV.